

Dyddiad **15 Mawrth 2002**
Amser **10.00 - 13.00**
Lleoliad **Ysgol Dyffryn Aman**

Sarah Phillips (Prif Ferch)

Es I am gyfweliad yn ddiweddar yn Ysgol Feddygol Genedlaethol Cymru yng Nghaerdydd. Mae'r ffaith y ces I gynnig cyfweliad dwyethog yn tystio dwy ffaith beysig. Yn gyntaf, croesawn y newid yn agwedd yr Ysgol Feddygol tuag at rol y Gymraeg yn ddiweddar; ac yn ail, y ffaith bod fy ysgol a pholisi dwyethrwydd effeithiol cyflawn sy'n rhoi'r cyfle I bob disgybl I fanteisio ar addysg ddwyieithog.

Dyw Ysgol Dyffryn Aman ddim yn Ysgol Ddwyieithog benodedig. Rydyn ni'n ymfalchio, serch hynny, yn y ffaith ein bod yn ysgol ddwyieithog naturiol sy'n rhoi amrywiaeth o ddewisiadau I rieni a disgyblion ynglyn ag addysg ddwyieithog. Ar ddechra gyrfa ysgol, mae 'na dri dewis ar gael I bob disgybl. Yn gyntaf, gall disgyblion ddewis astudio pob pwnc, ag eithrio Gwyddoniaeth a Mathemateg, drwy gyfrwng y Gymraeg. Yn ail, gallant astudio pedwar deg y cant o'u pynciau drwy gyfrwng y Gymraeg a hyd yn oed pan mae'r rhan ysgrifenedig o'r pynciau drwy gyfrwng y Gymraeg a hyd yn oed pan mae'r rhan ysgrifenedig o'r cwricwlwm yn Saesneg, mae'r cyfathrebu yn y dosbath yn ddwyieithog. Yn olaf, mae gweddill y disgyblion yn studio'r Gymraeg o fewn y Cwricwlwm Cenedlaethol ac yn treulio deuddeg y cant o'u hamserlen yn astudio'r Gymraeg fel mamiaith neu fel ail iaith.

Yng Nghyfnod Allweddol 4, gall disgyblion astudio Hanes, Daearyddiaeth Addysg Grefyddol, Cerddoriaeth a Drama drwy gyfrwng y Gymraeg I safon arholiadau allanol ac mae llwyddiant mawr ymhlith y disgyblion nynny. Cynigir y pynciau yma hefyd I Safon Uwch Gyfannol a Lefel A.

Ni fedrwn mesur llwyddiant ysgol yn nhermau llwyddiant academaidd a strwythurau cwricwlaidd yn unig. Mae'r Ysgol yn organeb fyw. Caiff Rhys nawr son wrthoch chi am agweddau cymdeithasol a diwlliannol dwyieithrwydd yn Ysgol Dyffryn Aman.

Rhys Jones (Prif Fachgen)

Adam Price (Aelod Seneddol), Roy Noble, Yr Athro Derec Llwyd Morgan, Glynog Davies, Dafydd Hywel, Nia Dafydd, Ron Jones, Dai Davies. Ble fydde Sianel S4C heb gyfraniad y cyn-ddisgyblion Dyffryn Aman yma? Eleni, daeth un o'n cyn-ddisgyblion enwocaf, sef Dafydd Iwan fel gwr gwadd I'n hannerch yn y Noson Wobrwyo. Mae'r Ysgol yn gorfoleddu yn ei Chymreictod nid yn unig o safbwynt y cwricwlwm, fel y clywsoch gan Sarah, ond hefyd yn ei bywyd cymdeithasol ac all-gyrsiol. Mae Cynhyrchiad yr ysgol yn chwarae rhan bwysig ym mywyd unrhyw ddisgybl sy'n mynd trwy'r Ysgol. Mae disgyblion yn cael y cyfle I gymryd rhan mewn cynhyrchiad Cymraeg a Saesneg o leiaf unwaith yn ystod eu gyrfa Ysgol. Mae'r cynhyrchiad Cymraeg diweddaraf yn cynnwys "Elfis", "Afon Amser",

"Crythor ar y To" ac "Olifar". Mae'r Eisteddfod Ysgol flynyddol yn ddigwyddiad mawr yng nghalendr yr Ysgol a defnyddia myfyrwyr y Chweched Dosbarth eu sgiliau arwain a threfnu wrth baratoi'r disgyblion iau ar gyfer cystadlaethau llwyfan ac eraill.

Mae'r gwasanaethau yn y tri man yn yr Ysgol yn gwbl ddwyieithog a bach iawn o ddisgyblion yr Ysgol Iau fydd yn anghofio am gyfres o storïau digri ond effeithiol am gathod a adroddwyd gan Mrs. Einir Jones, - bardd y Goron.

Mae ymweliadau a Llangrannog a Glanllyn yn cael eu trefnu bob blwyddyn ac yn boblogaidd iawn gyda nifer fawr o ddisgyblion. Mae myfyrwyr y Chweched Dosbarth, yn enwedig y rhai sy'n astudio'r Gymraeg neu sy'n astudio pynciau trwy gyfrwng, yn cael y cyfle I fod yn swyddogion- "swogs" ac yn datblygu perthynas dda a'r disgyblion iau. Mae enw da gan yr Ysgol drwy Gymru gyfan am safonau uchel ein timau Dawnsio Gwerin, ac mae'r grwpiau yma ynghyd a daawnsywyr clocio Dyffryn Aman wedi teithio yn Ewrop ac wedi bod yn fuddugol mewn cystadlethau cenedlaethol a rhyngwladol. Maes arall yn yr ysgol sy hefyd wedi cael llwyddiant yw Siarad cyhoeddus yn y Gymraeg a'r Saesneg a rhaid rhoi diolch yma I'r Rotari sy wedi noddi'r cystadlaethau Siarad Cyhoeddus a Cherddor Ifanc bob blwyddyn.

O orffen, rydyn ni falch iawn o'n hanes a'n treftadaeth yn Nyffryn Aman a rydym yn ymwybodol iawn o'r rol a chwaraewyd gan yr Ysgol yn y gorffennol a'r her sy'n ei hwynebu yn y dyfodol I ddiogelu'r etifeddiaeth hanesyddol, ddiwylliannol ac iethyddol rydym I gyd mor awyddus I'w chadw.